

LXXXIX

دار الفنون

جلد اول فقہ و فرائض و عبادت

حقوق ، اقتصادیات

ایک آئینہ بر نشر اور نور

مندرجات :

قسم حقوقی :

- تطبیق واجتہاد [منصورى زاده سعيد]
- داعی بی طرفلق حال ووظائف [احمد صلاح الدين]
- ساختمه لكده استعمال [دیران]
- افلاسك عقود ومقاولاته تأثیرى [على كمال]
- سربستی مقاولات [میسون واطوره]

قسم اقتصادی :

- تمتع ویركوسى [ابراهيم فاضل]
- احصائياتده استحضار عملیه سی [مصطفی زهدی]

استانبول — مطبعه عامره

۱۳۳۲ — ۱۳۳۴

افلاسك عقود و مقاولاته تأثیری

صنف تجارك خاصه مستفید اولدیغی اعتبارك بر قوه ناطمه و مؤیده سی اولق اوزره وضع ایدیان احكام افلاس ، بر طرفدن احباب مطلوبك تأمین و تأیید حقوقه دیگر طرفدن سوء نیت و یا عدم تقیدی کوریلن مدیونلرك زجر و تأدینه معطوف تداییر اجراییه بی جامعدر . افلاسك بوشكنه ، بوصورت تظاهرینه کوره قوانین اجراییه اقسامندن معدود اولسی لزومه دائر سرد ایدیلن مطالعه ، بدرجهیه قدر طوغری اولقله برابر ، حقیقه تماماً موافق دکلدر . چونکه افلاس فصلنك بر جوق ، حتی اك چوق موادی دین تجاریسی وعده سنده تأدیهدن اظهار عجز ایدهرك اعتباری رخنه دار اولان تاجر لرله داینلرینت تابع اوله جقلى قواعد اصولیه به متدائر ایسه ده افلاس ، ذات عقده ، مفلس ایله اشخاص ثالثه آره سنده منعقد مقاولاته ده ایراث تأثیر الیمکدن خالی اوله ماز .

افلاس احکامنه بر نظر سریع عطفیله ماهیت قانونیه لرینی تأمل ایتدی کمز زمان ، مثلاً تحقیق دیونك صرف بر اصول محاکمه استثنایه دن عبارت اولدیغی ، اونیون قواعدینك اصول محاکمه ایله اجرا و تنفیذ متفرع بولندیغی ، قوتقورداتو عقدینك - قانون مدنی احکامندن مستثنا بر شکل صلح اولق قیدیله - ینه شرائط خصوصیه اصولیه بی جامع اولدیغی بلاتردد سویلرز . فقط دیگر طرفدن ده افلاس دن اول و صوکره تاجرك عقد ایتش اولدیغی و اوله جنی مقاولات حقنده ده احکام مخصوصه به تصادف ایدرز :

محکمه تجارتیه افلاسی تحت حکمه آلمان بر تاجرك تصرفات مضره سنك ماسیه قارشى مؤثر اوله میه جنی سویله طورسون ، مفلسك اهلیت تامه بی حائز اولدیغی بر زمانده دخی اجرا ایتش اولدیغی عقود بحیحه ، شبهه لی دوره داخلنده واقع اولدیغی تقدیره ، یا صورت قطعیه ده و یا بعض قیودك تحقیق شرطیه صورت مقیده ده باطل عد ایدیلور ؛ و بوصورتله مدیونك مفلس اولمامسی حالنده معتبر عدایدلسی ایجاب ایدن بوقیل عقود و مقاولات حقنده حکم افلاس ماقبله شامل اولور ؛ شخص ثالث ده ، مقاولات مذکوره به مستدأ ایتش اولدیغی شیئی ماسیه اعاده به مجبور و حصه غرامه قاعده سنه تابع اولق اوزره

مطلوبه ماسیه مراجعتده مختار اولدیغندن مقاولات سابقه نك ابطال حکمندن بالطبع متضرر اولور .

ایشته (اولا) حکم افلاسدن مؤخر اولان مقاولات مفلسك ماسیه قارشو حائر تأثیر اولقسزین یا لکزر مسئولیت شخصییه استلزام ایتسی ، (ثانیاً) تاجرك سالم بر حیات تجاریه دن ، تام بر سقوط اعتباری متضمن اولان افلاس حاله انتقالی آره سنده ، واکثریا بیوک بر مضایقه مالیه دوره سی دیمك اولان شبهه لی مدت ظرفنده کی عقودك ماسه شخصیت معویه سی نظرنده کأن لم یکن عد وتلقی اولتسی ... حکم افلاسك مقاولات مفلسه مؤثر اولدیغنی صراحة کوسر مکده در .

قانون تجارت مفلسی ، شائبه تقصیر وحیله دن آزاده اولسه وقونقورداتو عقیده ایثی باشه عودت ایله بیله ، ینه بعض حقوق تجاریه و سیاسیه دن محروم ایتمش وبووجهله حقوقك سقوطی ، مدیونك موقع اجتماعی واقتصادیسنه پك زیاده سوء تأثیر ایده جکی امر آشکار بولنشد .

بویه جه ناموسلی خلق نظرنده بتون بتون لکسز عد ایدیله مین ، قانون نظرنده ده افراد سائر جمعیتدن دها دون بر موقعده بولتان مفلسك اهلیقه عارض اولان نقصان ، کنديسك قبل الافلاس اشخاص سائر ایله عقد ایتمش اولدیغنی مقاولاته حائر تأثیر میدر ؟ تاریخ عجز ایله تاریخ حکم افلاس آره سنده ویا خود حکم افلاسه تقدم ایدن اون کون ظرفنده اجرا ایدلمش اولمق حیثیه قانون تجارتك مواد مخصوصه سی احکامه نه قابل ابطال اولان معاملات ومقاولاتدن بحث ایتیه بورز . موضوع بحثمز ، شبهه لی دوره دن مقدم تاجرك واقع اولان عقود ومقاولاتنه ، بالاخره اعطا ایدیلن افلاس قرارینك قانوناً مؤثر اولوب اولمادیغنی مسئله سیدر .

کثرت وقوعی مناسبیه حجه تطبیقاده اك زیاده معروف اولان عقود ومقاولاتی نظر اعتباره آله لم :

تاریخ افلاسدن مقدم بر تاجر ، مثلاً خصومه ، بیع وشرا وایجار واستیجاره ، اخذ وقبضه ماذون اولمق اوزره برکیمسه عمومی ویا خصوصی بروکالت ویرمش ... بالاخره تاجرك وقوع افلاسی ، وکالت سابقه ایله تفویض ایدیلن صلاحیتلری رفع وزع ایدرمی ؟ ... مفلس قونقورداتو عقد ایدوب ده معاملات تجاریه سنه دوام ایده جك اولدقه وکیلک عین وکالتیه مستنداً ایفای وکالت ایتسی جائز ومقبولیدر ...

كذلك بر شرکت شخصیت معنوی سی و یا شرکادن بری افلاس ایتدیکی حالدده ، مقاوله نامه ایله معین اولان مدتک انقضاسته انتظار ایتکسزین وقوتقوردا تو عقدنی نظر اعتباره المفسزین ، شرکتی منفسخ عد ایدیه بیله جکمی یز ؟ ...

بر تاجر ، بر کیسه یه فاصلات معینه ایله و بدل مقرر مقابلنده بعض اشیا تسلیمنی تعهد ایتش و یا خود دیگر بر شخصک بویولده واقع اولان بر تعهدینه فارشو تاجرده بدلی تقاسیط معینه ده تأدییه ایتکی متعهد بولنش ، بر مدت صوکره تاجرک افلاسه حکم ویرلش اولسه : هرا یکی طرفه بعض حقوق تأمین و بعض وجائب ترتیب و تحمیل ایدن شو مقاوله حکمی مجبوری الاجرا اوله جقمیدر ؟ یوقسه اخیراً عارض اولان حال افلاس ، طرفینک وضعیت حقوقیه لرنده بر تحول حصوله کتیره بیله جقمیدر ؟ ...

بومیانده عقد اجاره بالخاصه جالب دقتدر : مفلس بر عقار استیجار ایتدکن صوکره افلاس ایتش اولسه عقد اجاره حکمی منفسخ می عد ایدیه جک ؟ موجر مفلس اولدینی صورتده افلاس ، مستأجرک حقوقه ایراث تأثیرات ایدیه جکمی ؟ ...

خلاصه افلاسک اهلیت تصرفیه بعض مرتبه ده مؤثر اولسی مقاولات مذکوره احکامک تنفیذ و اجرایی مجبوریتی رفع و یا تقید ایدرمی ؟ مسئله سی محتاج تدقیقدر . رهن ، امانت ، کفالت کبی عقود حقنده افلاسک تأثیراتی معلوم و قانوناً مصرحدر . مرهون تسلیم ایدلدکجه رهن تمام اولماز . تسلیم ایدلش اولدینی تقدیرده ده مرهونک مطلوبات ممتازه اصحابدن معدود اوله جفی و بونلر حقنده جاری احکام قانونیه یه تابع بولنه جفی طبعیدر . امانات حقنده استرداد اموال و اشیا طریق موجوددر . کفالت حکمی مجله یه و متعدد کفلاک افلاسی حالنده ماسه لرینه مراجعت اصولی ده قانون تجارتک مواد مخصوصه سه توفیقاً تعین ایدر .

بناءً علیه حکم افلاسک وکالت و شرکت ایله طرفینک تعهدات متقابله لرینی شامل مقاولات سابقه یه درجه تأثیرینی ، بر طرفدن مفلسک وضعیت استثنائیه سیله قانون تجارتک احکام اساسیه سی و دیگر طرفدن حقوق خصوصیه مسائلنده مرجع عمومی اولان قانون مدنی احکامنی توفیق و تألیف ایلهرک حل و تعین ایتلی یز .

شومسائل مهمه قانونیه نک قطعی نتایج حلییه اقتران ایتدیرلسی ایچون قانون تجارتده بر قاعده عمومی بولمق قابل دکلدر . یالکز سیغورطه مقاوله لرینه منحصر اولمق اوزره تجارت بحریه قانوننده ۱۹۱ نجی ماده یی کور ییورز .

ماده مذکوره ده : « سیغورطه جی تهلکه مشروطه نك ختامندن اول اظهار افلاس ایدر ایسه واجبه ذمتلرینك ایفاسته برکفیل اراؤه ایلمسی ویا قونطوراتو احکامنك فسخنی طلبه سیغورطه ایتدیرن کمسنه نك حق واردر کذلک سیغورطه ایتدیرنك ، سیغورطه بدلتی هنوز تأدیه ایتدیکی حالده افلاس وقوعنده سیغورطه جینك بروجه محرر کفیل آرامغه ویا قونطوراتو احکامنك فسخنی طلب ایتمه صلاحیتی واردر » دینور .

بوماده موجبجه سیغورطه مقاوله سنده عاقدیندن برینك وقوع افلاسی دیگر طرفه ایکی حق بخش ایدر : (۱) - مفلسك تعهداتی ایفا ایدمه جکنی نظر اعتباره آله رق عقدی فسخ ایده یلور . (۲) - مقاوله نك جاری اولدیغی مدت متباقیه طرفنده سیغورطه یی موجب اولان تهلکه وقوعه کلدیکی تقدیرده تعهد ایدیلن تضمیناتك ایفا ایدیه جکنك بالكفاله تأمین اولمنسی ماسه سندیکلرندن طلب ایده یلور . مع مافیه تطیقاتده غیر مفلسك فسخ مقاوله جهتی ترجیح ایتسی دها زیاده واردر .

اساساً بحری سیغورطه لر حقنده موضوع اولان بوحکم قانونی نك دیگر نوع سیغورطه مقاولاتده تطبیق جائز ایسه ده آنك خارجنده قالان مقاولات سائرده تشمیلی قابل دکلدر . تجارت قانونمزد بوندن باشقه بر ماده یه تصادف اولنه ماز . مجله ده ایسه افلاس تجاریدن بحث اولمادیغی جهته تجاری مفلسلرک عقود سابقه سنه متدائر قانون عمومیده بر حکم مخصوص بولنه میه جفی طبعیدر .

مع مافیه مجله ، مسائل معروضه حقنده قیاسه مدار و نتایج حکمیه استحصالنه مساعد اساسات مهمه قانونیه یی جامعدر .

۱ - ملکم افلاسك رولنه تأثیری

وکیلک وکالتدن انغزالنی استلزام ایدن اسبابه دائر مجله نك ۱۵۲۰ - ۱۵۳۱ ماده لرنده موجود صراحته نظراً موکلک عزلی ، وکیلک استعفا سی ، موکل بهک ختامی ، موکل ویا وکیلک وفات ویا جنون مطبق ایله تجنن ایتسی احوالنده حکم وکالت ساقط اولور .

افلاس تجاری یی سالف الذکر اسباب انغزالدن هانکیسنه ادخال ایده ییلیر ؟

افلاسك موت معنوی اولدیغنی بیان ایله بر تشبیه شاعرانه نك مسحوری اولانلر ، موکلک افلاسی ، بلاقید و شرط وکیلک انغزالنه سبب آنخا ایتك ایستلرسده بومطالعه طوغری دکلدر . قواعد حقوقیه ده شعردن زیاده حقائق احوالی نظر اعتباره آلمق مجبوریتده

اولدیغمیزی درپیش ایدرسهك ، افلاسك هر حالده وفات حکمنده اولمادیغنی بیانده تردد ایتمیز .

افلاس تجارینك انتاج ایتدیکی سقوط اهلیت ، هم مقید، همده موقدر . مفلس برعجز تام ومستمر ایچنده بولنمایوب معاملات افلاسیهك مدت دوامی ظرفنده دخی بعض تصرفانه موقدر ، واصل افلاسیهك تعین ایتدیکی قواعد ومراسمه توفیقاً اعاده اعتباری جائزدر .

قانون تجارتنده کی مفلسی ، سقوط اهلیت جهتیله ، بر درجهیه قدر سفیه محجور ویا مدیون مفلس ایله بر منزلهده عد وتلقی ایتك قابلدرد . مع مافیه آره لرنده بعض فرقلر واردرد : تاجر مفلسك هر گونه تصرفاتی ، شخصی حقنده معتبر اولوب آنجق تصرفات مضره سی ، اصحاب مطلوبك مجموعندن مترکب ماسه شخصیت مغنویه سنه قارشى حائز شمول وتأثیر دكلدر . حالبوکه سفیه محجورك معاملاتجه تصرفات قولیه سی و اخره دین اقراری مطلقاً صحیح اولمایوب كرك وقت حجرده موجود وكرك بعدالحجر حادث اولان اموالی حقنده اقرارینك تأثیری اوله ماز . (مجله ماده : ۹۹۱ و ۹۹۲) . كذاك مدیون مفلسك حقوق غرمایه مضر اولان عقودى وسائر تصرفات وتبرعاتی وقت حجرده موجود اولان اموالی حقنده معتبر اولماز اما بعدالحجر اکتساب ایتدیکی اموال حقنده معتبر اولور اقرارده بویله در . (مجله ماده : ۱۰۰۲) .

کوریلور که افلاس تجاری و حجر سفیهك تأثیراتی بالعموم امواله شاملدر ؛ بونقطهده هرایکی حکم اتحاد ایدیور . فقط سفیهك تصرفاتك اصلاً معتبر اولماسی ، افلاس حکمنك نتایجنه توافق ایتمز . افلاس تجارتنده مفلسك تصرفاتندن شخصاً مسئول اولمسنه مقابل افلاس عادیده ، مدیون مفلسك تصرفات واقعهك قانوناً صورت قطعیهده ابطال ایدلمه سی واستقبالاً حادث امواله مؤثر بولمنی احکامی بر برینه اساس اعتباریله توافق ایدیور . فقط افلاس عادیده مسئولیتك مال معین ایله تقید وتحدید ایدلمسی جهتندن افلاس تجاری ایله آره لرنده فرق ظاهر در .

احوال معروضیه نظراً مفلس تجاری ایله مفلس عادى وسفیه محجورك وضعیت قانونیه لری تماماً یکدیگره متوافق اولماقله برابر سقوط اهلیتک موقت ویا مقید اولسی خصوصاً تنده فلاس عادى و حجر سفیه ایله افلاس تجاری آره سنده وجوه مناسب و مماثلث موجوددر .

بواساس تقرر ايتىدىكىن سوكره موكلك قانون مدنى موجبنجه سفاھتدن وياخود ديونك اموالى مستغرق بولمىسندن دولايى حجرينك ، وكالته نه درجدهه تأثير ايتدىكىنى تدقيق ايدرسهك افلاس تجارينك ده عقد وكالته تأثيرى مسئلەسنىك حلنى تسهيل ايتىش اولورز .

موكلك اهليته عارض اولان احوالدىن وفات ايله جنون مطبق ، وكيلك انغزالنى موجب اولورسدهه جنون غير مطبق وكالتى اسقاط ايتىز . موكلك سفه ويا ديتندن دولايى حجرينى ده قانون ، اسباب انغزال عداديته ادخال ايتمه مشدر .

سفيك حجرى سفاھتدن متولد وبوھالك زواليله حرك فكي مقتضى بولنديغندن اهليت تصرفيه ، فك حجره قدر ساقط اولوب آندن سوكره عودت ايدر . سفيك قبل الحجر توكل ايتىش اولدينى وكيلك ، موكلك دوام محجوريتى ظرفنده ، ايضاً تصرفه مقتدر اوله مامسى طبعى فقط حرك فكنندن سوكره وكالت سابقهيه مستنداً تصرفاتده بولنه بيلمسى جائز اولمق لازم كليز . چونكه توكل اهلندن صادر وشرايط قانونيه يى جامع اولدينى حالده وكيلك موكل بهى ايضا ايدمه مامسى موكلك حجرينه مستند ايدى ؛ مانع زائل اولنجه ممنوع عودت ايدر .

مديون مفلسه كلنجه : آنك ده حجرى انغزال وكالت اسبابندن دكلدر . آنحق مفلسك حال حجردهه تصرفاتنهه متعلق اولان احكام قانونيه ، قبل الحجر تعين ايتىش اولدينى وكيلك بالوكاله تصرفاتنه شاملدر . وكيلك صلاحيتى موكلك صلاحيتيله مقيد اولديغندن حال حجرده مديونك مقتدر اولاديغنى تصرفاتى بالطبع وكيلده اجرا ايدمهز . فقط مديون مفلسى اموال جديده سيله تحت مسئوليتده بولندرمق اوزره كنديسنك ايضاً ايدمه سيله چكى تصرفات ، عني نتيجه حقوقيه يى توليد ايتىك شرطيله ، وكيلى طرفندن ده اجرا اولانه بيلور ؛ وحرك فكنندن سوكره مانع زائل اوله جفندن وكالت سابقهيه استناداً اجراى معامله صحيح اولور . بواساس ، افلاس تجارى به تطبيق ايدىلنجه شو نتيجه حاصل اولور : حكم افلاس ايله اموالك حق اداره سى ماسيه انتقال ايدوب مفلسه موجوداتندن كف يد ايتديريلور . بناءً عليه اموال مذكوره اوزرنده كندى تصرفه مأذون اولماديغنى كى وكيلى ده مأذون دكلدر . شخصاً مشول اولمق فقط ماسه حقنده معتبر اولماق اوزره مفلسك تصرفاتى معتبر اولديغنى كى وكيلىك ده بويولدهه معاملاتى مقبول ومعتبردر .

جزایه ، شخصه و عائله سنه عاقد حقوقه ، معاملات افلاسیه نك توكيله مساعد اولان اقسامنه متعلق دعاویده مفلس بالذات ، وقبل الافلاس تعیین ایتیش اولدینی وکیل ده بالو کاله موقع خصومتده بولنه بیلور . مفلس قونقورداتو عقدیله امرالنه وضع ید ایتدکن صوکره وکیلک ، قبل الافلاس ویرلمش بروکالتنامهیه مستنداً ، اموال مذکوریه متعلق دعاویده خصومتده ووکالتنامه سنك شامل اولدینی خصوصات سائریه وکالت ایتیمی جائزدر . چونکه قونقور- داتونك عقد و تصدیق اولنمسیله بوصلاحیت موکل اولان مفلسه عودت ایتشد .

حکم افلاسک وکالته تأثیری ، بعض دول اجنبیه قانونلرنده مواد مخصوصه ایله تعیین وتصریح اولنمشدر : آلمانیا دولتک ۱۸۹۸ تاریخلی افلاس قانوننك ۲۳ نجی ماده سنده (مفلس طرفندن تفویض ایدلمش اولان وکالت حکم افلاس ایله ساقط اولور مکرکه وکالت ، ماسهیه داخل اولمایان بر قسم موجوداتنه تعلق ایتسون) دینلمشدر . آلمانیا ده افلاس ، تاجرله غیر تاجرله شامل مشترک بر اصول اولدیغندن حکم وکالت ، هم تاجرک ، هم ده غیر تاجرک افلاسیله ساقط اولور . برده آلمانیا قانونی موجبجه افلاس حکمنك زمان اعطاسنده مدیونك اموال موجوده سی ماسهیه داخل اولورسه ده آندن صوکره تملك ایده جکی اموال ، ماسه موجوداتندن معدود اولمادینی جهته افلاس ، آنجق ماسه موجوداتنه تعلق اعتباریله وکالتی اسقاط ایدر ، آنک خارجنده کی امواله متعلق اولق اوزره حکم وکالت ینه باقیدر .

اسویچره Code des obligations ينك ۴۰۵ نجی ماده سنده : كرك وکیلک و كرك موكلك وفات ویا افلاسیله وکالتك ختام بوله جنی محرر اولمق له برابر عکسی مشروط اولدینی ویا خود ماهیت معامله دوام وکالتی استلزام ایتدیکی صورتده وکالت سابقه نك معتبر اوله جنی مصرحدر . اسویچره ده افلاس تاجرله منحصر اولمایوب ، آلمانیا وانكلتره ده اولدینی کبی ، غیر تاجرله ده تشمیل اولنمشدر .

فرانسه ده مفلسك قبل الحکم توكیل ایتدیکی کیسه نك وکالتنه ، افلاسك حائز تأثیر اولوب اولمادیغنه دائر بر ماده صریحه قانونیه موجود دكلسه ده قودسیوبك ۲۰۰۳ نجی ماده سنده : كرك وکیلک و كرك موكلك déconfiture ی (یعنی افلاس غیر تجاری حالده بولنملاری) ایله وکالتك ختام بوله جنی محرردر . déconfiture افلاس غیر تجاری ، حکم وکالتی اسقاط خصوصنده قانوناً وفات ایله عینی سویه ده بولنش اولسنه نظراً افلاس

تجاریه‌نک ده حکم وکالتک ختامه سبب اوله جغنی بیانده فرانسه ارباب حقوقی متفقددرلر؛
بوصورتله فرانسه ده حکم افلاس، وکالت سابقه‌نک کلیاً حکمدن سقوطنی انتاج ایتمکده در.
قبل الافلاس مفلس طرفدن ویرلمش اولان وکالتنامه لرك، قونقورداتو عقد وتصدیق
ویا خود اونیون معاملاتنک ختامی اوزرینه ماسه‌نک سندن صوکره محاکم عثمانیه جه بلا
اعتراض قبول ایدلمش اولدیغنه دائر امثال عیدده وارد. معاملات افلاسیه‌نک مدت
دوامی طرفنده دخی بومثلا وکالتنامه لره بناء وکیللرك خصوصات افلاسیه ده موکللرینی
بلامشکلات تمیل ایتدکلی دایما کورلمکده در.

۲ — حکم افلاسک شرکت مفارلسه تأثیری

قانون تجارت احکامه توفیقاً تشکل ایتش اولان بر شرکت تجاریه، حکم افلاسک
حائز تأثیر اولوب اولمادیغنی تعیین ایچون مسئله بی ایکی نقطه نظردن تدقیق ایتلی یز:
(۱) — شرکتدن بعضنک افلاسی... (۲) — شخص معنوی شرکتک افلاسی...
اولاً — شرکتدن بعضنک افلاسی:

شرکت تجاریه یا شخصیدر، یا مالیدر. قولکتیف وقوماندیت شرکتلری، عاقلدرینک
شخصلریله، امنیت متقابله ذاتیه لریله قائم اولدیغندن شخصیت اساسه مستنددرلر. آنونیم
شرکتلرنده ایسه شرکتانک شخصلری ویکدیگره قارشو امنیت واعتمادلری بروجهله موضوع
بحث اولمایوب بونلر محض وضع ایتدکلی سرمایه مقداریه شخصیت معنویه ده علاقه دار
اولدقلرندن مذکور شرکتلر، شخصیت اساسندن عاری، مالی شرکتلردر. عادی
قوماندیت شرکتلرنده قوماندیتک مسئولیتی، سرمایه سی مقدارینی تجاوزایده مه مک اعتباریه
آنکده شرکتده کی علاقه سی ماله منحصر قالور ایسه ده، هر حالده بوشرکتلرده دخی
شرکتانک یکدیگرینی انتخاب ایله سرمایه لری جمع وتوجید خصوصنده امنیت شخصیه
متقابله یک بیوک بر عامل اوله جغندن قوماندیت شرکتلری ده شخصی شرکتلردن عد
ایدلمکده در. یالکز آقسیونلی قوماندیت شرکتلرنده اسهامه مالک اولان قوماندیتلرلرك
حال ووضعیلری، عادی قوماندیت شرکتلرنده کی شرکای غیر مسئولیه مقیس اولمادیغندن
بونوع شرکتلر قسماً شخصی وقسماً مالیدرلر.

شخص ویا مالک شرکت تجاریه تشکیلنده اساس اولمسنده کی فرق، شرکتانک اهلیتلیرینه
خللی عارض اولدیغنی تقدیرده تظاهر ایدر.

آنونیم شرکتی حصه دارانندن برینک وفات ویا افلاسی وجود شرکتی تأثیر ایتمز؛ شرکت، کافی السابق دوام ایدر. آقسیونلی قوماندیت شرکتلرنده قوماندیتلرک وفات و افلاسی ده دوام شرکتی مانع دکلدر. حال بوکه قولکتیف و قوماندیت شرکتی شرکاسندن برینک وفاتی، شرکتک انفساخنی انتاج ایدر. قولکتیف ویا قوماندیت شرکتی شرکته شریک اولان برکیمسه، شرکت خارجنده شخصاً اجرای تجارت ایدوب شرکتی تعلق اولمایان دیون تجاریه دن دولایی افلاسی تحت حکمه آلسه شرکت شخصیت معنویه سی مفلس اولماز؛ و فقط منفسخ اولور.

دیمک اولیورکه شرکت تجاریه ده شرکادن برینک وفاتی ویا افلاسی، مقاوله شرکتی عینی صورته حائز تأثیردر.

مجله نك ۱۳۵۲ نجی ماده سنده: (شریکلردن بری فوت ویا جنون مطبق ایله مجنون اولسه شرکت منفسخ اولور. فقط شریکلراوچ ویا دها زیاده اولدینی صورته شرکتک انفساخنی، یالکز فوت ویا مجنون اولان حقنده اولوب دیکرلری بیننده شرکت باقی اولور) دینلمشدر.

بوماده حکمنجه وفات، اسباب انفساخیه شرکتدن معدوددر.

آنحق شرکت حقوقیه ده بریات اولانلرک عددی ایکی ویا دها زیاده اولدینی تقدیرده بینلرنده شرکتک باقی اوله جغنی مین اولان فقره قانونیه حکمنک، شرکت تجاریه ده کی شخصیت معنویه اساسیه نه درجهیه قدر قابل توفیق اوله جغنی جای تأملدر.

معلومدرکه تجارت شرکتلری، شریکلردن مترک و فقط آنلرک شخصیت منفردلرندن بسبتون خارج بر موجودیت حقوقیه مالک، شخصیت معنویه یی حائزدرلر.

شرکتله شرکتک حقوق ووظائف آیری اولقله برابر شخصیت معنویه، آنحق اجزای مرکبه سنک مجموعه متشکل، و دوام موجودیتی هرشریکک شرکتی بقاسیله قائمدر. شرکادن برینک شرکتدن افتراقی ویا خود یکیدن بعض اشخاصک شرکتی ادخلی، شخصیت معنویه یی تغیر، و شرکتی معامله ده بولنه جق اشخاصک حقوقیه تأثیر ایده چکندن شو احوالده قانون تجارت موجبجه مراسم اعلانیه اجراسی مقتضیدر.

قولکتیف و قوماندیت شرکتی شرکاسندن برینک وفاتی حالنده بریات اولان شرکا آره سنده مجله موجبجه شرکت باقی اولسه، عجبا بوشرکتی، متوفانک وقیله داخل

اولدینکی شرکت شخصیت مغنویه سنک عینی در دیه بیله چکمی یز ؟ .. هیچ ظن ایتم !
برشریکک وفا کی افلاسی ده - شخصیت مغنویه مؤثر اوله جق صورتده - انفساخ
شرکتی مستلزمدر . افلاس سبیلله شرکتک منفسخ اولمی ، برطرفدن مفلسک اعتبار
تجاریدن و بعض حقوق تجاریه و سیاسیه دن محروم بولنه رق حین عقد شرکته ده حائر
اولدینی اهلیته خلل طاری اولماسنک ، دیگر طرفدن ده حکم افلاسلک نتایجندن اوله رق
متوعیت تصرف مدیونک بالعموم امواله شامل و ساری اوله رق شرکته ده کی حصه
استحقاق اوزرینه ماسه حقوقک تعلق ایلمکده بولونماسنک نتیجه قانونیه سیدر .

بوقدرده شرکت داینلرینک اموال شرکت اوزرنده کی حق رجحانلرینه خلل
ککسزین اول امرده اونلرک آله جقلری ایفا اولنور ، فضلا برشی قالور ایسه شریک
مقتلک ماسه سه تسلیم اولنور .

قوتماندیتزلرک افلاسی ده رأی مقبوله کوره بزده عینی نتیجه یی تولید ایدر .

شرکادن بعضنک وقوع افلاسک، شرکنه تأثراتی حقنده کی مطالعات مسروده
صراحت قانونیه مستند اولمایوب ارباب حقوقک رایلیله اجتهادات محاکمه مبتیدر .
معرفیه دول اجنیه قوانیننده یومسئله دائر مواد صریحه تصادف اولنور :

آلمانیا قانون تجارتك ۱۳۰ نجی ماده سنده : بر شریك افلاسی قولكتیف شركتك
سبب انفساخیه شدن اولمق اوزره تعداد ایدلمش و فقط قوماندیت شرکتی بحثنده بو حکم
قانونی تکرار و تصریح اولمامشدر. قانون مذکورك ۱۷۷ نجی ماده سنده : (قوماندیتك
وفاتی شركتك مفسوخیتی احباب ایندیرمز) دینلدیکی حالده کیفیت افلاسك تأییراتی
مستوت غه بر اقلمش ایسهده ، افلاس اسقاط اهلیت اعتباریله وفاندن دها دون بر موقعهده
بولتمش اولسنه نظراً ، قوماندیتك افلاسی بطریق الاولویه شركتك انفساخه سبب اوله ماز.
ایتالیا قانون تجارتك ۱۹۱ نجی ماده سی موجبجه قولكتیف شرکتی شرکاسنك
وقوماندیت شرکتلرنده قوماندیتیه وقوماندیتیر شرکانك افلاسی- عکسی مشروط اولمادقجه -
انفساخ شرکتی موجبدر . شرکای مسئوله وغیر مسئوله آرده سنده برکونه فرق موجود
دکلدر . مع مافیه شرکادن بعضنك افلاسی سبب انفساخ اوله میه جفی مقاوله نامه ده مصرح
ایسه شرکت کافی السابق دوام ایدر .

مجازستان قانون تجارتی، آلمانیا قانون تجارتہ توافق ایتمکہ برابر قانون مذکورک

۱۴۴ نجی ماده سندن ، شرکت مقاوله سنك قوماندیتیر شریكك افلاسندن متأثر اولمایه نجی استنتاج ایدلمکده در .

فرانسه قانون تجارتنده بومسئله حقنده برصراحت مخصوصه یوقدر . بالکتر قرد سیوبلاک ۱۸۶۵ نجی ماده سنك ۴ نجی فقره سنده : برشریکك déconfiture ی (یعنی افلاس حقوقی حالنده بولنسی) ایله شرکتك اتها پذیر اوله جنی بیان ایدلمش و بو نتیجه حکمیة اجتہاداً افلاس تجاری یهده تشمیل ونطریق ایدلمکده بولنمشدر . بو اجتہادی تأیید ایتك اوزره دینیور که : سرمایہ سی اسهامه منقسم شرکتلر حقنده ۱۸۶۳ تاریخلی قانونك ۵۴ نجی ماده سنده (اشبو شرکتلر شرکتلر وفات ویا افلاسی ایله شرکت منفسخ اولماز) دیو تصریح قلنمش ، حالبوکه قولکتیف و قوماندیت شرکتلرنده وفات ویا افلاسك نتیجه قانونیه سی مسکوت عنه بکلمشدرد ؛ بوندن ده ، واضع قانونك ، شخصی شرکتلرده برشریکك وفات ویا افلاسی ، شرکتك سبب انفساخی اولمق اوزره قبول ایتش اولدینی آکلاشیور .

اسویجره Code des obligations نده ، حکمی دول سائرہ قوانینك طرز قبوله تماماً توافق ایتمین بر ماده موجوددر : قانون مذکورك ۵۷۳ نجی ماده سنده : (شرکتك افلاسی شرکتك شخصاً مفلس اولماری انتاج ایتمز . کذاک شرکتادن برینك افلاسی شرکتك افلاسی انتاج ایله مز .) دینیور . بوماده فقره اولاسنك حکمی قانون عثمانینك تماماً ضدیدر : بزده شرکتلر افلاسی شرکتای مسئوله نك ده افلاسی استلزام ایدرکن اسویجره ده یوبله بر نتیجه تولید ایتمز . شرکتادن برینك افلاسی حبیبله شرکتك ده منفسخ عند ایدیله جکی ، بالاده عرض ایتدیکم وجهله ، بزده قبول اولنمش بر اساس ایکن اسویجره قانوننده بوسیله شرکتك منفسخ اولمایه جنی مصرحاً بیان ایدیلیور .

(۲) — شخص معنوی شرکتك مفلس اولسی :

شخص معنوی شرکتك افلاسنه دائر ویریلن قرارك شرکت مقاوله سنه نه درجه ده حائز تأثیر اولدینی ، تعیردیگرله شرکت افلاس ایتدکن صوکره مقاوله سابقه حکمنك ساقط و شرکتك منفسخ اولوب اولمایه جنی مسئله سنده رأیلر بررینه میناسندر . آرای مذکوره بوجه آتی توضیح اولتور :

برنجی رأی : — شرکتك افلاسی ، موجودیت قانونیه سنه ایندیلمش اك بیوك برضربه در . ساحه فعالیتدن چکلمش ، اموال و اشیای کاملاً و رسماً بیع و فروخت

ایدلک نتیجه منته معروض بولنش اولان بر شرکتک دائم و باقی اولدینی نصل فرض اولنه بیلور؟... باخصوص که شرکادن برینک افلاسی سبب انفساخ دیه قبول ایتدیکمز حالده بالعموم شرکای مسئوله نك افلاسی انتاج ایدن شرکتک افلاسی حالده منفسخ اولسی بطریق الاولویه ثابت اولور . بناءً علیه بعد الافلاس شرکت منفسخدر ، کأن لم یکندر ...

ایکنجی رأی : — شرکادن برینک افلاسی شرکتک افلاسی ایجاب ایتدیریورسه شرکتک افلاسی نه دن شخصیت معنویه نك انفساخنی انتاج ایتسون ؟... فی الحقیقه شرکادن بری افلاس ایدنجه امنیت متقابله اساسه مستند اولان شرکتک برعضوینک اهلیتته خلل عارض اولوب بوندن شرکتک اعتباری متأثر اولدینی کبی شریک مفلسک شرکای سائرده قارشو مکلف اولدینی خصوصاتک اجراسنده عدم امکان حاصل اولور؛ و برشریکک افلاسی حالده دخی شرکتک کفای السابق دوامی لازم کلسه ، دیگر شرکانک حین مقاوله ده راضی اولمادقلری الیم بروضعیده قالمش اولمالری ایجاب ایدر . بو ، موافق دکلدر . فقط شرکتک افلاسنده عموم شرکا مفلس اوله جفتدن کافه سی عینی حالده در ، یکدیگریدن فرقلری یوقدر .

افلاس بریلا ، بر درد ایسه بالعموم شریککرایچون مشترک و فقط موقت بر درد وبلاددر . شرکت ، قوتقورداتو عقدینه موفق اولدینی صورتده اموالنه وضع ید ایده جک ، عنوان سابقله اجرای معاملات ایتدار ایلجه ککدر . شخصیت معنویه نامنه قوتقورداتو مذاکره و عقدی شرکتک ، حکم افلاسه رغماً ، موجود اولدیفنه دلالت ایدر . بناءً علیه حکم افلاس ، مقدما عقد ایدلمش اولان شرکت مقاوله منته تأثیر ایتز .

رأی عاجزانه مه کوره : شرکتک افلاسیله منفسخ اوله جفته دائر اولان مطالعه شایان ترجیحدر . شرکتک افلاسندن صوکره شرکا دوام شرکته موافقت ایدرلر ، وهپ برلکده بر قوتقورداتو عقدینه موفق اولورلر ایسه شرکت ، شرائط سابقه ایله تجدد ایدیور دیمکدر . مراسم اعلانیه ایله شرکتک توثیق موجودیتی ایسه غیر قابل تحمل برکلفت دکلدر . اگر قوتقورداتو عقد ایدیه میوبده معاملات افلاسیه ، اونیونه منجر اوله رق اموال شرکت بیع واثمانی غرما بینده تقسیم اولنش ایسه شرکتک وجود وبقاسندن بحثه محل قالماز . چونکه سرمایه بیتمش ، مقصود شرکت فوت اولمشدر .

دول سائر قوانین تجاریه سننده بواساس قبول ایدلمشدر . آلمان قانون تجارتنک

۱۳۱ نجی ماده سی بوبابده صریحدر .

ايتاليا قانون تجارتى ، اختلافات مسروده نك نظر تدقيقه آلتوب او وجهله رأى اولك
ترجيح ايدلديكنى اشراب ايدر برطرزده افاده حكم ايتكده در . قانون مذكورك ١٨٩
نجى ماده سنده (شركات تجاريه ، قونقوردانو عقد ايتمش اولدقلى حالده بيله ، شركتك
افلاسله منفسخدرلر) دنيور .

مجارستان قانون تجارتى ، شركت تجاريه نك هر نوعه متعلق مبيحده افلاسك سبب
انفساخ اولديغنى تكرار ايتشدر (ماده ٩٨ ، ١٤٤ ، ٢٠١)

افلاسدن متولد اولق اوزره شركت و شركايه متعلق نتايج قانونيه بى سبتون باشقه براساسه
ابتنا ايتديرمش اولان اسويچره قانونى بيله ٥٧٢ ، ٦١١ ، ٦٦٤ نجى ماده لرند قولاكتيف ،
قومانديت ، آنونيم شركتلىرىك وقوع افلاسندن صوكره شركتك منفسخ عد ايديله جكنه
دائر مواد صريحه وضع ايتشدر .

يالكرز فرانسه قانون تجارتنده - زده اولديغى كى - صراحت كافيه مفقوددر . بناء عليه
اوراده ، عرض ايتديكم اختلافات تكون ايتمش و معلمين حقوقدن معروف بعض ذوات ،
شخصيت معنويه افلاسك شركت مقاوله سنه مؤثر اولماديغنى سرد و بيان ايتشدر .
حكم افلاس و كالت و شركتدن ماعدا ديكر مقاولاته بالخاصه بيع و شرا ، ايجار
واسايجار ايله تعهدات سائريه متعلق تأثيراتى ديكر بر مقوله مزده عرض ايدر .

حقوق فاكولته سى حقوق تجارت بريه
ومقايسه قوانين تجاريه مدرسى

على كمال

